

Inuussutissiat ilaannut akuliussassat il.il. pillugit Kalaallit Nunaannut nalunaarut

Inuussutissiat il. il. pillugit inatsisip Kalaallit Nunaanni atuutilersinneqarnissaanik peqqussummi nr. 523, 8. juni 2004-meersumi § 15, imm. 2 aamma 3, § 16 aamma § 69, imm. 3 naapertorlugit aalajangersarneqarput:

Atuuffii nassuiaatillu

§ 1. Nalunaarut manna makkununga tunngasuvoq:

- 1) stoffit inuussutissianut akuliussassat,
- 2) stoffit akuliussassat stoffinnut akuliussassanut
- 3) ajoquteqannginnerinut nalunaaqutsersuutitut qalipaait aamma neqinik allatut pinngitsoorani nalunaaqutsersuinerit, aamma
- 4) stoffinik akuiaait

Imm. 2. Nalunaarut atuutinneqassanngilaq sullivinnut Kalaallit Nunaanni namminermi taamaallaat tuniniagassanik tunisassiortunut imaluunniit sullivinnut inuussutissianik uumasuneersuunngitsunik tunisassiortunut.

Imm. 3. Nalunaarut aromanik inuussutissianut atuinernut aamma aromanut tunngatitaanngilaq, taamaattoq tak. ilanngussaq 1.

§ 2. Stoffinik akuliussassanik nalunaarummi matumani pineqarput stoffit sulluunniit, nalinginnaasumik inuussutissatut nerineqanngikkaluarlutik inuussutissianilu nalinginnaasumik akussatut atorineqanngikkaluarlutik inuussutissartaqarneri peqanngineriniluunniit apeqqutaatinnagu piliornermut, piareersaatitut suliarinneqqaarnermut, nerisassiorniarnermut, suliarinninnermut, poortuinnermut, assartuinissamut toqqortarinninnissamulluunniit atatillugu teknologii eqqarsaatiginerullugu akuliunneqarunik kinnganikui inuussutissiami pineqartumi akuulersartut, imaluunniit akuulernissaat naatsorsuutigineqarsinnaasoq.

Imm. 2. Makkuli inuussutissianut stoffitut akuliussassatut naatsorsuunneqarsinnaanngillat:

- 1) Monosacharider, disaccharider imaluunniit oligosaccharider, aamma inuussutissiat stoffinik tamakkuninnga, tungusunnilersitsisinnaanerit pissutigalugu atorineqartartunik akullit,
- 2) inuussutissiat panertitaanerit imaluunniit kimittorsagaanerit apeqqutaatinnagu, ilanngullugit aromat (tipigissaasiussat), inuussutissianik akuukkanik piliornerni tipimikkut, mamassutsimikkut imaluunniit inuussutissartamikkut illinnarsarniarlugit akuliunneqartartut, peqatigisaanillu annikinnerusumik qalipaatinut sunniuteqartartut,
- 3) stoffit qalliutitut atorineqartartut inuussutissiap nammineq ilaginngisai aamma taakkununga ilanngullugit nerineqartussaannngitsut,
- 4) iipelinik imaluunniit citrusinik kvædenilluunniit tamakkuninngaluunniit akuleriissitatut, qalipakut issiiarnikullu imaluunniit syre sakkukillisagaq atorlugu suliarinninnerni malitsigisaanillu ilaannaasumik natriumeller kaliumsalte ("pectin imerpalasoq") atorlugu ajoqtissartaajaanikkut tunisassiat pectinitallit,
- 5) tyggegummiliassat,
- 6) dextrin qaamasoq sungaartorluunniit, issortitsissutit ilitsitat imaluunniit dextrinerikkat, syremik alkalimilluunniit suliareqqitat, issortitsissutit qalipaateqanngitsut, aamma amylolytiske enzymerik suliareqqitat,
- 7) ammoniumchlorid,

- 8) aap imerpalasui, gelatine, proteinhydrolysater, tamakkualu tarajui, immuit proteini aamma gluten,
- 9) aminosyrit allat glutaminsyriunngitsut, glycin, cystein aamma cystin, kiisalu syrit taama ittut tarajui teknologikkut sunniteqartussaannngitsut,
- 10) kaseinater aamma kasein, aamma
- 11) inulin.

Imm. 3. Stoffit akuliussassat nassuiaataat ilanngussaq 2-mi allassimapput.

§ 3. Aromat pillugit nalunaarummi matumani pineqarput aromastof, aromapræparat, reaktionsaroma, røgaroma, røgaromastof taakkualuunniit akuleriissitat, imaluunniit akuliussassianut allanut inuussutissianulluunniit akuliussat.

§ 4. stoffenik teknikkkut ikiuutinik nalunaarummi matumani pineqarput stoffit sulluunniit inuussutissatut nerisassaannngikkaluarlutik tunisassiassanik, inuussutissanik taakkualuunniit akussaannik piareersaanerni atorneqartartut suliarinninnermi imaluunniit suliarinneqqaarnermi teknologiikkut siunertarisat naammassiniarlugit, inerneqarsinnaasullu tunisassiami inerlugu suliami stoffit sinnikuisa siunertarinngisamik uninngaannartussaajunnaarlugit, tamatumani stoffit sinnikuisa tamakkua peqqinnissakkut aarlerinartorsiortitsinnnginnissaat aamma tunisassiami inikkami teknologiikkut sunniivinnnginnissaat naatsorsuutigalugu.

§ 5. Inuussutissianik suliareqqaarneqanngitsunik nalunaarummi matumani pineqarput inuussutissiat pissuseqqaaviniit annertuumik allannguuteqartillugit suliarineqanngitsut; pingaartumik makkunatigut allannguuteqartinnagit: agguinertigut, kitserinertigut, saaniiannertigut, aserorternerisigut, amiiarnerisigut, tattaajarnerisigut, nutsuinertigut, aallarniummik qalipannerisigut, aggornerisigut, salinnerisigut, ujalukutaajarnerisigut, qererujussuarternerisigut, qeritinnerisigut, nillataarternerisigut, sequtsernerisigut, qalipaajarnerisigut, poortornerisigut imaluunniit puuarnerisigut.

§ 6. Nalunaarummi matumani akuiaatinik (ekstraktionsmidler) pineqarput arrorsaait, atortussiassanik, inuussutissianik imaluunniit tamakkualuunniit ilaasa akuinik suliarinneqqaarnermi akuiaatit atorneqartartut, piiarneqartussat kisiannili siunertarinngisamik, periaatsitigulli pinngitsoorneqarsinnaanngitsumik sinnikoqarsinnaasut imaluunniit allannguuteqartitsisarnerat inuussutissiamiilersartut imaluunniit akuliussaniilersartut.

Imm. 2. Arrorsaatnik pineqarput stoffit sulluunniit, inuussutissiamik tamakkualuunniit akuinik arrortitsisinnaasut, ilanngullugit stoffit mingutsisinnaasut sulluunniit inuussutissiami pineqartumi nassaassaasartut.

§ 7. Nalunaarummi matumani quantum satis-imik pineqarput annertunerpaatut killissarititanik aalajangersaasoqarsimannnginnera, stoffillu akuliussassat pilioriaatsimut pitsaasumut naapertuuttumik pisariaqarneraniit annertunerunngitsumik atorneqartassasut kissaatigisatut inerneqarnissaat anguniarlugu, taamalu atuisussat paatsuuisussaaqqunagit.

§ 8. Stoffinik tungusunnissaatinik nalunaarummi matumani pineqarput:

- 1) kajumissaatit annikillissakkat: inuussutissamut pissuseqqaamisut ittumut tamatumunngalu assingusumut naleqqiullugu minnerpaamik 30 pct.-imik annikillilerineq, aamma
- 2) sukut atornagit: Mono- imaluunniit disaccharider-inik inuussutissianilluunniit allanik, tungusinnilersitsisarneri pissutigalugit atorneqartartunik, akusinani.

§ 9. Nalunaarummi matumani nitritinit taratsunik pineqarput kaliumnitritimik imaluunniit natriumnitritimik aamma natriumchloridimik akusat. Taratsut nitritit kaliumnitratimik imaluunniit natriumnitratimik akusat aamma akuerineqarsinnaapput.

Imm. 2. Danmarkimut eqqussinermi nitritinit taratsut pineqarput kaliumnitritimik imaluunniit natriumnitritimik aamma natriumchloridimik akusat, annerpaamik 1,2 pct.-imik nitritimik natriumnitritit naatsorsuunneqartumik akusat. Taratsut nitritit kaliumnitratitallit imaluunniit natriumnitratitallit aamma akuerineqarsinnaapput.

Stoffinik akuliussassanik atuineq

§ 10. Stoffit akuliussassat Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumut ilanngussani II-mi III-milu allatorneqarsimasut kisimik aalajangersakkat taaneqartut tunngavigalugit atorineqarsinnaapput.

Imm. 2. Stoffit akuliussassat inuussutissiassani suliareqqaarneqanngitsuni atorineqassanngillat, taamatut atuineq imm. 1-imi taaneqartutut Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumut ilanngussani II-mi immikkut aalajangersarneqarsimangippat.

Imm. 3. Stoffit akuliussassat imm. 1-imi taaneqartut aatsaat atorineqarsinnaapput nalunaarummi matumani ilanngussaq 2-mi taaneqartutut siunertanut.

Imm. 4. Stoffit akuliussassat neqit suliareqqaarneqanngitsut pillugit Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumut ilanngussani II-mi del E, gruppe 8.1-imi taaneqartut kisimik atorineqarsinnaapput ajoquteqannginnerat pillugu nalunaaqqutsersuutitut allatullu neqinut neqinillu tunisassianut toqqaannartumik pinngitsoorani nalunaaqqutsersuunisarnerni.

§ 11. Stoffinik akuliussassanik nalunaaqqutsersuinerni immikkut taaguutit Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumut ilanngussaq II-mi aamma III-mi allatorsimasut atorineqartassapput.

§ 12. Stoffip inuussutissiamut akuliussassap akuunissaa akuerisaavoq:

- 1) inuussutissiani akuukkani allani Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumut ilanngussaq II-mi del E, gruppe 8.1-imi taaneqartunit allaanerusoq, stoffi taanna inuussutissiami akuukkami akuliussassaappat akuerisaq,
- 2) inuussutissiami stoffimik akuliussassamik, enzymimik aromanilluunniit akuliussassaasuni akuuppat:
 - a) Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumut ilanngussaq III naapertuuttut,
 - b) inuussutissiamut stoffit akuliussassat, enzymit aromaluunniit aqqutigalugit pisimappat,
 - c) inuussutissiami inerlugu suliami teknologiikkut sunnisimangippat, aamma
- 3) inuussutissiami inuussutissianik akuleriiaanik piliornermut taamaallaat naatsorsuussaniippat, taakkulu akuleriiaat Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008, 16. december 2008-meersumi ilanngussaq II-mik eqquutsippata.

Imm. 2. Stoffi inuussutissiamut akuliussassaq aromami, stoffimut inuussutissiamut akuliussassami imaluunniit inuussutissiap enzymiani inuussutissiami akuliussaasimappat inuussutissiamilu pineqartumi tassani teknologiikkut sunniuteqarluni stoffit inuussutissiamut

akuliussassatut naatsorsuunneqassaaq aromamiittutut stoffimiittutut imaluunniit enzymimiittutut pinnani, taamaappallu inuussutissiat pineqartut pillugit atuinissamik patsisissaatitatur peqqussutaasunut naapertuuttuussalluni.

Imm. 3. Akuerisaavoq stoffi inuussutissiamut akuliussassaaq tungusunnissaatit atorneqartoq inuussutissiami akuukkami sukkunik akusaanngitsumi, kajumissaatitai annikillilikkami, inuussutissiani diætutit akuukkani, sanigorsaatisatut naatsorsuussani, inuussutissiani kariogeneunngitsuni aamma sivisuunik piunissaat pillugu akuukkani piunissaa, tamatumani naatsorsuutigalugu tungusunnisaat atorneqartoq inuussutissiamut pineqartumut akoorutissatut akuerisaassasoq, taamaattoq tak. imm. 1.

§ 13. Stoffit akuliussassiat aatsaat atorneqartassapput pilioriaatsimut pitsaasumut naapertuuttumik.

Imm. 2. Stoffit akuliussassat suussutsitigut akuissutsitigullu piunissaqaatinik Kommissionip peqqussutaatigut (EU) nr. 231/2012, 9. marts 2012-imeersumi ilanngussakkut aalajangersakkanik Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008-mut ilanngussaq II-mi III-milu allattukkanik eqquutsisuussapput.

§ 14. Stoffit inuussutissianut akuliussassat pillugit peqqussummut (EF) nr. 1333/2008, 16. december 2008-meersumut ilanngussaq II-mi stoffinut tunngatillugu naliusunut annerpaamik killissarititaq atuuppoq inuussutissianut nioqqutaasunut, allatut allassimasoqanngippat. Tunngavigisassaaq tamanna apeqqutaatinnagu inuussutissianut panertitanut aamma/imaluunniit naliliiffigeqqitassanut tunngatillugu allagartaani innersuussutit naapertorlugit naliliiffigeqqit pillugit annerpaatut killissarititat atuutissapput, kimikillisaatit minnerpaatut kisitsisitaat tunngavigalugit.

Imm. 2. Qalipaatisianut annerpaamik naliusut Europa-Parlamentip Rådillu stoffit inuussutissianut akuliussassat pillugit peqqussutaannut (EF) nr. 1333/2008-mut ilanngussaq II-mi III-milu aalajangersarneqartut atuutissapput qalipaatisiami naliusut annertussusissannut, allatut allassimasoqanngippat.

Akuiaatinik atuineq

§ 15. Stoffit nalunaarummi matumani ilanngussaq 1-imi taaneqartut kisimik akuiaatit atorneqassapput inuussutissianik aamma inuussutissianut akuliussassanik piliornerut.

Imm. 2. Imm. 1 apeqqutaatinnagu imeq, soorlu stoffenik peqqinnissamut sukuluiaatinik, inuussutissianik inuussutissianulluunniit akoorutissanik akusaq akuiaatit atorneqarsinnaavoq.

§ 16. Akuiaatit grundstoffeni imaluunniit stoffeni allanik akoqassanngillat peqqinnissamut ajoqusiinnaasutut annertussusilinnik.

Imm. 2. Akuiaatit kg-mut ataatsimut arsen-imik 1 mg-imik aamma aqerlumik 1 mg-imik, akoqassanngillat, akuissutsitigut immikkut tunngavigisassani allatut aalajangiisoqarsimanngippat.

Imm. 3. Akuiaatit aamma akuissutsitigut tunngavigisassanik allanik aalajangigaajunnartunik naammassinnissapput.

Aqutsinikkut aalajangersakkat

§ 17. Stoffit akuliussassat inuussutissianut nammeneq aalajangikkatut akuliussat pillugit sullivik akuliussassat ataasiakkaat tamaasa annertussusissaannut allaganngukkanik uppersaatissaqassaaq.

Pineqaatissiissutit

§ 18. Inatsisit allat malillugit sakkortunerusunik pineqaatissiinissamut pissutissaqanngippat akiliisussanngortitaasinnaavoq:

1) §§ 10-11-mik, imaluunniit §§ 13-16-imik unioqqutitsisoq, imaluunniit

2) nalunaarut naapertorlugu aalajangersarneqartunik sumiginnaasoq.

Imm. 2. Piginneqatigiiffiit il. il. (inatsisitigut aqutsisuusut) imm. 1 malillugu akiliisitaasinnaapput.

Atuutilersitsineq

§ 19. Nalunaarut atuutilerpoq 15. oktober 2013.

Imm. 2. Peqatigisaanik atorunnaarpoq stoffit inuussutissianut akuliussassat pillugit Kalaallit Nunaannut nalunaarut nr. 798, 13. juli 2006-imeersoq.

Fødevarestyrelsi, ulloq 26. september 2013

P.D.V.

HANNE LARSEN

/Mai-Britt Lyngholm Hansen